



UNIVERSITÄTS-  
BIBLIOTHEK  
PADERBORN

**Nicolai Cavssini Trecensis, E Societate Iesv, De Eloqventia  
Sacra Et Hvmana Libri XVI**

**Caussin, Nicolas**

**Coloniae Agrippinae, 1634**

18. Encomium Formicæ: Ex Basilio, Hieronymo, & cæterorum imitatione  
expressum nostro stylo.

---

[urn:nbn:de:hbz:466:1-70090](https://nbn-resolving.org/urn:nbn:de:hbz:466:1-70090)

Ripatae sunt per mella viuiscunt, & vt oportet, animal laboriosum, ex opere nascitur.

Inde vt adoleuit iuuentus, & ad similes labores aetas roborata conualuit, reliquitur liber parentibus locus. Et ne coacta in augmentum multitudo noua turba laboret, quasi habita verecundiae ratione, cedit populus minor, suspensumque proximis ramis examen humanas manus expectat. Acceptas cum fide colit sedes. Et cum ingenia nostra, quae nos, scilicet ambitiosi nostri aestimatores proxima diuinis credimus, ad percipiendas disciplinas multo labore defudent, nulla apis nisi artifex nascitur. Quid credas aliud, quam diuinam partem mentis his animis inesse? Quid precipuum referas? Non vt cetera animalia per pastus vaga incertum quieti capiunt cubile, noctis arbitrio semper habitatura, sed tutas sedes continent, vt bes tectis, turba populos imitantur. Non vt ferae volucres, non vt presentis modo cibi memores in diem viuunt, duraturus huius reponitur victus, & repletis verecillis tutus annus est. Etiam cum ad humanos vsus opera subducta sunt, reparare amissa contendunt, & labor damno incenditur, & nunquam deficit animus, antequam locus. Quid quod inter animalia, quae non verba coniungunt, non verba rationis inuicem negant, tantus operis consensus est, tanta difficultate rei, laboris concordia? Non humano vitio in proprios quaeque vsus lucrum ducit, in publicum viuunt, & communes opes congeruntur in medium, nec fas est deibare gustu, priusquam plena horrea securos spondeant menles. Quis porro tantus ardor operis, quaeque officiorum partitio, vt aliae congerant onera, aliae accipiant, aliae liniant? Quae seueritas in castiganda inertia multa dictu, vituque miranda, praeuidere tempestates, nec dubio se caelo tradere, nec vitra viciniam nubilo tendere.

Nam si leues aura iniquior rapuit, ad dirigendos in destinata cursus modico lapilli pondere librare pennas. Illas maiorum peccatorum totis pro rege castris procurtore, & inire bella, mortemque honestam pro duce oppetere. Adijce, quod si, quas, aut aetas longior, aut morbus oppressit, efferuntur prius corpora, posteriorque operum, quam funerum cura est. Quid illigare curibus flores? quid ore succos in publicum ferre. Me tamen ipsius operis praecipua admiratio subit, non est temere, nec fortuitam figuram, & sedes modo reponendis cibis, quae fuisse credas, rudis cera componitur.

accedit vsibus inenarrabilis decot. Nam primum tenacibus vinculis fundamenta suspendunt, tum ab exordio in omnem partem opus aequaliter erefcit, nec quicquam ex inchoatis paruum est, quod non sua portione perfectum sit, nec iam alia parte opus esset. Gemina frons certis imponitur, & cum foraminibus tantum spatium detur, quantum ad generanda examina puram spem capiat ( ipsi enim sibi inuicem anguli haerent, & ita muro vincuntur, atque alligantur, vt quod voles medium sit ) his textis ne vniuersi mellis effluent pondus, intercepta onera cluduntur. Quis non stupeat hoc fieri posse sine manibus? nulla interueniente doctrina haec artem nasci? Quid non diuinum habent, nisi quod moriuntur.

### Encomium formicae.

Ex Basilij, Hieronymi, & ceterorum imitatione expressum nostro stylo.

### CAPVT XVIII.

PHILO TUDAEORUM sermo omnium eruditissimus, idemque eloquentissimus: in eo commentario, qua de plantatione Noemi disertissime, vt cetera, conscripsit fabulam narrat, non minus suauitate iucundam, quam sapientiae fructu praecelaram. Deus, inquit, rerum omnium opifex, eum admirabilem mundi structuram, tanta, tamque varia partium non modo congerie, sed & compositione confurgentem, diuinae mentis solertia machinatus, oculis subiecisset: fertur ab ijs, quibus in hoc opere administris vsus fuerat, quae fuisse: quidnam de tota vniuersi ratione videretur? tum vnus admodum liberè, quod sentiret, respondisse: vocem aliquam grandem, acutam, elatam, desiderari: quae omnes mundi peruagata regiones, sine vlla intermissione, Dei laudes, & sapientiam praedicaret, & eam, quae, vel in tenuissimis rebus eernitur, summi artificis industriam, imperitis hominibus praedicaret.

Quae profectò, si res esset, non laboraremus in laude formica: nunc autem; & ingenij Proposio. humani imbecillitas, & ipsa rerum obscuritas, tenebras dicentibus offundat; & de instituta orationis ornamentis plurimum

Ppp 2 dg

Praclarè  
signatum  
Philonia.

Nulla apis  
nisi arti-  
fex nasci-  
tur.

Seueritas.  
Praesagias.

Miseri-  
cordia.

Opus.

detrahit, necesse est. Est certe formica Dei opus, tam rei dignitate præstans, artis subtilitate limatum, operis perfectione absolutum; quam humanis sensibus tenuis, rude, impolitumque; videti solet. In magnis siquidem corporibus, coelo, terra, mari: vel certe in maioribus, ut in tot animantium figuris, affluente materia perfacilis molitio naturæ fuit: in his vero, tam paruis, tam contemptis, tam prope nullis, quæ ratio? quanta vis, quam inextricabilis perfectio? Et ubi fulgentes oculos, & visum præterdit in formica? ubi odoratum applicuit, ubi inferuit gustatum? quomodo duriusculis partibus, quasi ossibus corpusculum interstinxit? qua ratione venulas instar ramulorum diffudit? quo pacto, à vertice per dorsi vertebrae ad caudam, usque diffusentem medullam produxit? qua solertia tenues membranulas distendit? qua molitione mouentem omnia spiritum, acrem, vegetum, actuosum, tam fragilibus & delicatis particulis affudit? An etiam iecur, & in iecore vasculum bilis receptaculum? cor denique, & renes, costularum interstinctione, quasi parietibus obseperit nescio, cuncta tamen admiror. Sed nihil ingenio est admirabilius. Nam, quæ res in hac mortalium vita plurimum possunt. Prudentia, fortitudo, religio, non obscure quibusdam in formica notis, sed tanquam in clarissimo speculo colucent.

*Ab ingenio*

Audire in prudentiæ comitatu duas esse virtutes primarias, cautionem, & providentiam: quarum illa in malis arcendis, hæc in bonis procurandis tota est. Istas vero, quis formicis, nisi iniquus iudex fuerit, denegabit? Primum enim, quod per se maximum est, rempublicam habent, non Solonis, aut Lycurgi præscriptis: sed æternis naturæ legibus constitutam: & ne continuus in quotidianis operibus labor, distractionem afferat amicitiarum, & socialis vitæ commercia, ac voluptates minuat: certis diebus interquiescunt, nundinas exercent, & miti hilaritate celebrant: qui tunc omnium concursus, quam amica salutationes, quam dulcia, (si à nobis intelligerentur) colloquia, quæ animatum, quam suavis, quam iucunda confociatio.

*Prudentia*

Redeunt deinde in domunculas, quas sibi multis Mæandris flexuosas ad varios vsus construxerunt. Et silente quidem Luna, quasi Syderis absentia contristata; inter cavernu-

las se continent; mox ubi risit cæli facies ele- *Labor & industria*  
mentior, nullius rei magis impatiens, quam otij effundit se portis niger formicarum exercitus, & rura proxima pabulatur: vnus omnium ardor, vna mens, vnus spiritus, munia diuersa, & prudenter inter se distincta exercent: Alia prædas per calles angustos, nunc humeris obnixæ; nunc pedibus auersæ, magna corporis contentione conuectant: ferunt omnia corpusculis maiora, nec tamen subsese succumbunt. Aliae venientes gratulationibus excipiunt, aliae continuis mortibus humum egerunt, aliae constructis aggeribus meatus aquarum excludunt, aliae grana corrodunt, & veluti forcipe diuidunt, ne in herbam exeat; aliae fruges madidas exsiccant, & suauiter in Sole apricantur: laborat tota gens, feruent opere viarum semitæ, silices ipsæ teruntur sub itinere, ita nihil non potest continua sedulitas.

Quis inter hæc spectacula, tam piger, tam solutus, tam de se parum cogitans: qui non accendatur ad labores, qui non suis rebus inuigilet, quem non pudeat vinciri à formica?

Neque vero magis laboriosæ sunt, quam *Robur & generositas animi*  
fortes, de nostratibus nihil dico, quæ supra corporis modulum ingentis animi robore & animi fortitudine sunt præditæ: Alia sunt Indica

(si nescitis) alia sunt, quæ ut corpore longe grandiores, ita etiam valentiores sunt ad conflictus & præliata. Degunt, ut sæpius, a *Formica Indorum*  
pud Indos Septentrionales, qui Daræ vocantur, auri (non tamen) ut cæca gens mortaliū, studiosæ. Ex quo, hyeme, cum ab æstiuis laboribus datur vacatio, totæ sunt in aurifodinis, ita nunquam possunt esse otiosæ: feruent, laborant, humum fodiunt, aurum egerunt, vincunt opera Gygantum. At vero ætate cum ob vapores se in cuniculos abdidere, concurrunt ad prædas. Indi latrones, ut auro sine villo labore potiantur. Verum odore illico afflatae prouolant formicæ, irarum stimulos exerunt, summa contentione tuentur suum; cum prædonibus decertant, & plerumque licet pernicibus camelis fugientes, assequuntur, fœdaque laceratione contritos obruncant. Fertatem ingenij dicit quispiam, & vesaniam aurifitum? Nihil minus, mihi credite; aurum quidem ad prædicanda Dei opera egerunt: cuius, si ut Solis & Syderum aspectu contenti essent homines, nihil in nostrum genus scirent: sed cum idem videant ad

ad cædes, adulteris, sacrilegia, & infinita, quæ quotidie experimur vitiorum portenta exportari: quid mirum si non secus, ac summi nominis satellites, ad auertendum malorum omnium fomitem excubant. In quo non tam mihi obfortitudinem, quam ob singularem iustitiæ amorem videntur commendandæ. Equid amplius postulatis à formica? religionem? (hoc enim vltimum promiseram) at certe, quod summæ pietatis est, mortuas sepeliunt, nec detrita assiduis laboribus corpuscula cum defecerunt, sepulchri honore carere patiuntur. Audio etiam eas, quæ in acie genitose ceciderunt, si quando ab hostibus teneantur, maximo, quod inter eas fertur pretio, redimi: vt iusta virtuti reddantur: & ad simile factum, similemque virtutem posterarum mens exciteret. Quid hac pietate mansuetius? Quid hac iustitia æquius, quid religione sanctius? Quod si Ægyptij accipitrem cum Deorum honore coniunxerunt, quod insepultis cadaveribus terram ingerat: quo in numero formicam de mortuorum sepultura, tam sollicitam, habendam putatis? cequis erit tam iniustus, & imprudens arbiter, qui cæteras animantes cū formica audeat comparare? Date, date quascunque libuerit, ipsum si vultis elephantum, & quantum superetur à formica cognoscite. Ille inutili carniū mole, & sagina grauat: Hæc eximij corporis elegantia, & agilitate præstat. Ille languidus est ingenio, & penè fatuus: hæc semper incitata viget acrimonia. Ille vel à vili puero regitur: hæc ne regijs quidem maximi ferret dominatum. Ille si a musca stimuletur, vleisci non potest: hæc muscas, & cætera in suam prædam conuertit. Hic ad bella, & alia onera gerenda seruiliter cogitur: hæc regnat in pace, in bello si quid opus est, dominatur. Ille seruituti mancipatus da victi sibi parando, ne in diem quidem, vel horam cogitat: hæc in annum sua sibi horrea, suas fruges comparat. Ille tota die torpet otiosus: hæc ne momentum quidem in otio patitur effluere. Ille modò draconum, modò hominum præda fit, & ludibrium: hæc semper capit, raro capitur. Ille in triumphis ad lasciuientium oculorum contemptū lentè incedens ostentatur: hæc non nisi mortua ad voluntatem victoris subsistit. Ille præter corpus nihil habet speciosum: Illa nihil minus, quàm corpus habet conspicuum. Quo fit, vt ad cælestium mentium contubernium, quas Deus his corporis compagibus expeditas esse

voluit, quam proximè accedat. Me quidem de formica laudibus dicentem, rei iam dudum fallit obsecritas, & multa necessario prætermittere cogit. Itaque aut illa, quem initio dixi: voce cælesti ad prædicandum: aut meo, vestroque omnium silentio admirandum, quæpuse esse video.

De laude rerum inanimatarum.

CAPVT XIX.

**A** Nimalia consequuntur res inanimæ, Inanima partim naturales, vt Cælum, stella, elementa, pluuia, grandines, coruscationes, fulmina, fontes, maria, lapilli, gemæ, metalla, plantæ, & cætera id genus: Partim manufacta, vt vrbes, ædificia, statuæ: Partim quæ ad mores, actiones, & ad hominum spectant, vt vitia, virtutes, artes, bella, conuiuia, iracundia, hõidines, morbi, supplicia: quæ omnia ferè ad descriptiones attinent, quarum satis amplam segetem in altero tomo subijciã. Tria porò in his descriptionibus seruanda potissimum duo.

Primum, vt res, quæ laudanda, aut describenda occurrunt, nõ modo partes præcipuæ, sed etiam minuta quæque, acri disquisitione perquirantur, quod non nisi à rerum pentis præstari potest. Nam examinanda sunt genera, & species, causæ, effecta, & adiuncta, quæ latam descriptionis campum suppeditant, non quod omnia sint vbique coaceruanda, sed selectus fieri debet ex multis.

Secundum, circa dispositionem: descriptio nis non mediocris est prudentia, vt non sit tumultuaria, & desultoria, sed leni, pellucida, que omnium partium tractu digesta, quod præstabitur ab eo, qui collocationem argumentorum prudenter animaduertent. Benè autem collocare mihi videntur, qui prius ea persequuntur, quæ rei essentiam propius attingunt, mox cætera, quæ sunt magis adscititia commemorant. Postremò etiam addunt effectus, vsus, virtutes, vtilitates, & cætera id genus.

Itaque in descriptione rerum naturalium, vt tempestatis, terræ motus, pestis, solent nonnunquam præmitti causæ, vnde coaluerunt. In manufactis materia, & efficiens celebrantur; dein singula adiuncta notantur, si verò conlequantur, effectus insignes, & ludenti

Formica-  
rum reli-  
gio.

Accipiter  
cur Ægy-  
ptijs sacer.

Formica  
cum Ele-  
phantis cõ-  
paratio.  
Ue Eleph-  
anti.

Descriptio-  
nis dispo-  
sicio.